

編號 3 號

【今年个避暑】黃秋枝原作

又到一年一擺个避暑咧。𠂇聽著𠂇姆摟𠂇爸偷偷仔講：「校門開比鬼門開還較得人驚！」

因為，阿姆平常時愛上班，還愛安排𠂇三姊妹个避暑生活，想著斯頭那痛！𠂇爸摟𠂇姆參詳，為著居家安全，就請「年休」輪等來照顧𠂇兜。

頭下碼，大家都當享受避暑生活，毋使跣早床、毋使赴時間去學校讀書、毋使日日寫功課，毋使這、毋使該個自由自在。毋過，看𠂇爺哀嘆變成比平常時上班還較無閒，毋輸路口該間便利商店个電子門，「叮咚、叮咚」，一日二十四點鐘都無閒。

「阿姆，等一下𠂇俚愛食麼个？」、「韶早愛去哪奈？」、「阿爸，老弟又摟老妹相搶玩具咧！」雖然講，避暑𠂇兜在屋下个齣事當多，毋過阿爸、阿姆還係試著，𠂇兜係佢兩儕个「甜蜜負擔」，全力安排𠂇兜个假期行程摟避暑學習，重視幸福个親子時間，𠂇爺哀付出當大个心力摟體力來接受挑戰。

𠂇座大，今年正在小學畢業。

有一日，一通電話：「渡轉來避暑啦！」隔日，阿爸、阿姆

就載等𠂇三姊妹，轉到莊下个姐婆屋下。

姐婆戴在苗栗矮山仔腳下，屋舍个四圍係洋洋洋、闊野野个田，田鄰堵好當在該割等禾，割禾機行過禾田，食忒一行一行个禾串，又唸出一袋一袋个金黃，張袋上車了後就載去糶溼穀。獨獨輪到姐公个田頭，姐公斯留兜溼穀載轉屋面前个禾埕晒，講愛自家留來做伙食，又講分日頭晒過个穀，挨出來个米，煮個飯會較香、較虬、較好食！

斷真，「六月天公無阿公，六月割禾無阿婆。」姐婆無時間，蕩耙¹擎等，當當在日頭下个禾埕町，從頭接二蕩去蕩轉，看起來盡生趣又辛苦。該畫面黏時分𠂇想著：「鋤禾日當午，汗滴禾下土；誰知盤中飧，粒粒皆辛苦。」該係眼前目珠頭看得著个真情實景摟感受。

老古人言講：「一粒米，百粒汗。」𠂇想，在𠂇俚享受恁多人付出心神摟體力個同時，除忒愛感恩現下个幸福生活，乜愛儆惜各種食物摟物品，毋好耗爽浪費，還愛曉得付出自家個關心摟盡力牯去做，分身邊個人還較幸福過圓滿正著。

¹ 蕩耙：音 tong~ pa；翻晒稻穀的工具。